

Manmin nga mga Balita

NUMERO 28 MARSO 3, 2013

Sa Adlaw sa Ginoo, ang Manmin naglipay sa tinuod nga pagpahulay og sa espirituwal nga katagbawan



Mga Litrato 1: Sa Sunday Morning Service Mga Litrato 2: Ang Choir og Nissi Orchestra Mga Litrato 3: Pasiunang pagdayeg sa dili pa ang Sunday Evening Service Mga Litrato 4: Espesyal nga pasundayag sa 'White Stone Choir' Mga Litrato 5: Ang paniudto sa mga bag-o nga naabot Mga Litrato 6: Ang Cell-group meetings Mga Litrato 7: Manmin Volunteers' Group nitabang sa mga nanag wheelchair

Ang tinuod nga kalinaw og mga panalangin nga naangkon pinaagi sa pagsunod sa Adlaw'ng Igpapahulay dili ikatandi sa bisan unsa – kadato, kalibutanhong himaya, og dungog.

Ang 'Pagsunod sa Sabbath' mao ang buhat agig pag ila sa kamandoan sa Diyos. Sulbaron sa Diyos ang atong mga problema kon atong balaanon ang Sabbath-day. Iyang itugot nga ang tanan magmaayo ngari nato og kita magpahimulos sa maayong panglawas sa paglambo sa atong kalag. Kini kon kita mosunod sa Sabbath, ang Diyos mo atiman sa tanang butang ngari nato sama sa pagpalambo sa atong kalag, sa atong kabaskog, mga anak, trabahoan – tanan, aron malipay ta sa tinuod nga kalipay og makapahulay sa espiritu og lawas. Ma protektahan sad ta sa tanang aksidente, mga sakit, og mga pag-antos sa tibuok simana sama sa nahisulat sa Isaia 58:13-14.

Tanang miyembro sa Manmin, apil na ang mga miyembro sa gibana-bana nga 10,000 ka mga sanga og nakig ubang simbahan, naghalad sa unang Sunday Morning Service sa 10:00 sa buntag, via internet og ang main service sa 11:30 sa buntag, oras sa Korea, pinaagi sa GCN TV (ni Senyor Pastor Dr. Jaerock Lee).

Sa kasagaran si Dr. Jaerock Lee ang magwali sa mga serbisyo. Ang mga mensahe nga iwali nadawat ni Dr. Lee gikan sa Diyos pinaagi sa iyang mga pagpuasa og pag-ampo. Ang unod sa mga mensahe takdo nga naghisgot sa dughan og kabubut-on sa Diyos. Karon siya naghatod sa sunod-sunod nga sermon sa 'God Measures Our Faith' og 'Lectures on 1 John'. Dili lang ni apan naa pa siyay daghang

mga sermon nga motabang nato sa paglabang sa inisyal nga 'levels of faith' ngadto sa sukdanan sa atong 'pagbarog sa lig-on nga pagtoo' sa espiritu og sa tibuok espiritu. Ila sad nga gipakita ang dalan sa pag gamit sa Pulong sa Diyos ngadto sa sitwasyon sa atong tinuod nga kinabuhi og unsaon nga makadawat og mga panalangin, nga maoy hinungdan nga ang mga miyembro puno sa grasya og panalangin.

Dugang pa, ang mga mensahe naghatag og pagpakisayod sa mga sala tungod kay ang simbahan gihimo nga mabinantayon sa kabubut-on sa Diyos nga gusto'g balaang mga anak. Pinaagi sa Pulong nga mo lapus sa kalag, espiritu, sa kinauyokon og sa lutahan, ang mga miyembro makabati sa lawum nga gugma sa Diyos og nag-usab sa ilang kaugalingon og napuno sa paglaum para sa Langit.

Human sa Sunday Morning Service, panahon usab sa mga miyembro nga magpatubo og maayo nga panag-uban diha sa pagtoo. Ang Men's Mission, Women's Mission, Canaan Mission, Young Adult's Mission, Foreigner's Parish, Chinese Parish, Hearing-impaired mission, og ang Love of the Lord Mission (grupo sa North Korean – refugee's) manag pundok sa ilang meeting – places. Maniudto sila og mag-uban nga maayo diha sa pagtoo.

Sa dili pa ang serbisyo sa 3:00 pm ang mga miyembro manag kanta og mga pagdayeg isip preparasyon sa ilang kaugalingon para sa serbisyo, abli ang ilang dughan og nangandoy sa grasya. Sa serbisyo, ang 'Choir' mo hatag og pagdayeg uban sa 'Nissi Orchestra's instrumentals'. Og naa pay nagkalain-laing pasundayag sama sa praise,

modern og, traditional dance, worship dance, nagkalain-laing presentasyon sa instrumental, Korean Classical Music, og mga ballet. Sa pagtan-aw ini, dakong giabli sa mga miyembro ang ilang kasing-kasing og unya malipayon silang modawat sa Pulong sa Diyos. Pinaagi sa mga pasundayag, ang serbisyo labaw'ng mapuno sa grasya og ang mga miyembro naghimaya sa Diyos.

Ang simbahan naay Nissi Orchestra nga maayo sa pagdayeg; lima ka 'Choirs'; 25 ka grupo sa tigpasundayag; og 20 ka 'soloists'. Sila nagpahinungod og tanyag sa mga pagdayeg og mga pasundayag nga ikalipay sa Diyos.

Ang ika-2 nga Sunday Morning Service og Sunday Evening Service dunggan nga gibadbad ngadto sa 7 ka sinultian – English, Russian, Spanish, French, Japanese, Mongolian – para sa mga langyaw nga miyembro sulod og gawas sa Korea. Og naa say sign – language service para sa mga hearing – impaired.

Sa Manmin Central Church daghang mga lihoc sa gahum sa Diyos nga nangahitabo pinaagi sa pag-ampo ni Senyor Pastor Dr. Jaerock Lee. Sa pagpaminaw sa mga testimonya sa kaayohan, pagdawat sa tubag og grasya, kini dako kaayong tabang para sa paglambo sa pagtoo. Ilang panag-ambitan kon unsa ang ilang ni diskobrehan nga kahayag diha sa Pulong nga giwali og ilang i-ampo ang matag usa. Tungod ini ilang mabati ang espirituhanong pamilya.

Pinaagi sa pagsunod sa Adlaw sa Ginoo og pagbalaan niini ang mga miyembro sa Manmin nagpakabuhi ubos sa proteksyon og panalangin sa Diyos matag simana.



Senyor Pastor Dr. Jaerock Lee

Han'ay sa "The Message of the Cross" - (25)

Ang Kaluwasan mahatag lang ngadto sa Natawo sa Tubig og Espiritu

"Si Hesus mitubag, 'Sultihan ko ikaw: walay makakita sa Gingharian sa Diyos gawas kon siya matawo pag-usab.' 'Unsaon man pagkatawo pag-usab sa usa ka tawo nga tigulang na? Makasulod pa ba diay siya sa tiyan sa iyang inahan aron magpakatawo pag-usab?', nangutana si Nicodemus. Si Hesus mitubag, 'Sultihan ko ikaw: walay makasulod sa Gingharian sa Diyos gawas kon matawo siya pinaagi sa tubig og Espiritu.'" (Juan 3:3-5)

Gipadala sa Diyos dinhi sa kalibutan ang Iyang Bugtong Anak nga Hesu Kristo og giabli ang dalan sa kaluwasan og ang walay katapusang grasya og kalipay niadtong modawat sa Iyang Anak pinaagi sa paghatag nila sa awtoridad isip mga Anak sa Diyos.

Bisan pa, naay daghang tawo mo angkon nga ilang gidawat si Hesu Kristo og nagtoo sa Diyos, apan sila walay hugut nga pagtoo sa kaluwasan.

Ang espirituwal nga panag estorya ni Hesus og Nicodemus maoy atong giya, kini nga isyu sa Manmin News maoy mo tuki sa pasabot sa "pagkatawo sa tubig og sa Espiritu Santo" og sa dalan sa insaktong kaluwasan.

1. Ang espirituwal nga panag estorya ni Hesus og Nicodemus

Si Nicodemus opisyal sa mga Hudeyo, maestro, og usa sa mga Pareseo nga nakahibalo kaayo sa Balaod. Panahon ni Hesus, ang mga Pareseo "balaan" tan-awon, apan wala magbuhat sa Balaod diha sa ilang dughan; wala lang sila magduha duha sa mga tudlo ni Hesus apan nag plano pa gani nga ila kining patyon.

Apan dila sama sa uban nga Pareseo, si Nicodemus uhaw sa matuod og sa pagpakita sa iyang tinuod nga pagtoo, nibisita og nakig kita siya ni Hesus usa ka gabii. Human sa ilang panagkita, atong makita si Nicodemus nga mo depensa ni Hesus kon ang mga Pareseo mosaway kang Hesus (Juan 7:50-51), og human sa pagkamatay ni Hesus didto sa krus, niduol siya nga nagdala og "sinagol nga mira og sabila, mga 50 ka kilo ang gidaghanon" (Juan 19:39). Tungod ini kita nahibalo nga si Nicodemus nakadawat sa kaluwasan.

Si Nicodemus saba nga niingon ni Hesus, "Rabbi, nakahibaw mi nga Ikaw magtutudlo nga gikan sa Diyos, kay walay makahimo ining mga timailhan nga Imong gihimo gawas kon ang Diyos nag-uban kaniya."

Sa pagsabot sa kauhaw sa dughan ni Nicodemus, si Hesus mitubag, "Sultihan ko ikaw, walay makakita sa gingharian sa Diyos gawas kon siya matawo pag-usab," og gihatagan siya sa espirituwal nga mga pagtudlo. Apan sa pagpamati niini, si Nicodemus wala makasabot kon unsaon pag katawo og usab sa tawo nga tigulang na.

Bisan kon ang usa katawo nagsilbi sa Diyos, kon siya dili makasabot sa Iyang Pulong dili gyud niya ma eksperyensya ang lihoc sa buhi nga Diyos. Sama sa gipahinumdum nato sa 1 Corinto 4:20, "Kay ang Gingharian sa Diyos dili pulos mga pulong lang kon dili gahom,"

kon ang matag usa makadawat sa gahum sa Diyos pinaagi sa inspirasyon sa Espiritu Santo, dinha pa nga iyang ma tugkad ang mga espirituwal nga sekreto og iyang matuman ang kabubut-on sa Diyos.

Kay wala makasabot sa espirituwal nga pagpanudlo ni Hesus, si Nicodemus nangutana, "Unsaon man pagkatawo pag-usab sa tawo nga tigulang na? makasulod pa ba diay siya sa tiyan sa iyang inahan aron magpakatawo pag-usab?"

Si Hesus nitubag, "Sultihan ko ikaw: walay makasulod sa Gingharian sa Diyos gawas kon matawo siya pinaagi sa tubig og sa Espiritu. Ang gianak sa tawo, tawo usab. Og ang gianak sa Espiritu, espirtu usab. Ayaw ikahibulong nga ako nag-ingon nimo nga kinahanglan magpakatawo kamo pag-usab. Ang hangin mohuros bisan asa kini buot mopadulong: madungog mo ang paghuros niini, apan wala ka mahibalo diin kini gikan o asa kini padulong. Sama usab niini ang tanan nga matawo pinaagi sa Espiritu."

Aron makasulod sa langit, si Hesus niingon, nga gikinahanglan matawo pag-usab ang espirtu nga dili makita. Si Adan, ang unang tawo, hinimo nga buhi apan tungod sa iyang sala, ang iyang espirtu namatay. Sugod ato ang mga kaliwatan ni Adan patay og espirtu og sila unodnon, dili sila makasulod sa langit. Aron sa pag-ayo og paglikay niini -para dili ma adto sa impeyerno-mao ang pagpakatawo pag-usab sa tubig og Espiritu Santo.

Tungod ini, si Hesus niingon ni Nicodemus, "Ang hangin mohuros asa buot padulong; madungog mo ang paghuros ini, apan wala ka mahibalo diin kini gikan o asa kini padulong. Sama usab niini ang tanan nga matawo pinaagi sa Espiritu." Sama nga ang hangin dili makita og ang iyang padulungan dili mahibaloan, atong makab-ot og ma eksperyensya ang mga kalihukan sa espirtuwal nga kalibutan pinaagi lang sa lihoc sa Diyos og sa gahum sa Espiritu Santo.

2. Espirtuwal nga pasabot sa "matawo sa Tubig"

Unsay pasabot ni Hesus sa Iyang pag-ingon, "Walay makasulod sa Gingharian sa Diyos gawas kon matawo siya pinaagi sa tubig og Espiritu?"

Una, sa gipahinumdum sa Juan 4:14 kanato, dinhi ang "tubig" sama sa "tuborang tabay mohatag og buhing tubig nga modala ngadto sa kinabuhing dayon" nga ihatag ni Hesus nato.

Unya, unsa man ang "tuborang tabay nga mohatag og buhing tubig nga modala ngadto sa kinabuhing dayon," ang tubig nga walay

katapusan nga ihatag ni Hesus nato? Nakahibalo ta nga kon dili kita mo kaon sa unod og mo inom sa dugo ni Hesus ang Anak sa Tawo, dili kita makaangkon og kinabuhi (Juan 6:53). Ang pagkaon sa unod sa Anak sa Tawo mao ang paghimog pan sa Pulong sa Diyos og ang pag-inom sa dugo sa Anak sa Tawo mao ang pagbuhat sa Pulong sa Diyos. Ang pagkaon sa unod og pag-inom sa dugo sa Anak sa Tawo mismo ang Pulong sa Diyos-mao ang tubig nga mohatag nato og kinabuhing dayon.

Sama nga ang tubig mo lempyo sa hugaw og mohatag og kinabuhi, sa espirtuwal nga termino "tubig" – Pulong sa Diyos – mo lempyo sa sala og daotan nga naa sa atong dughan og motabang nato aron kita makaangkon sa kinabuhing dayon. Kon ang Pulong sa Diyos naa sa atong dughan og mo limpyo ini kita maka lingkawas sa sala og daotan sama sa kasina, silos, kalagot og kainit, kita matawo pag-usab og mosangpot sa kaluwasan. Tungod ini ang 1 Pedro 3:21 nag-ingon, "Naghulagway kini sa bunyag nga karon nagluwas kaninyo, dili pinaagi sa paghugas sa buling sa inyong lawas kondili pinaagi sa pangaliyupo ngadto sa Diyos gikan sa usa ka hinlo nga konsensya. Ang bunyag nagluwas kaninyo pinaagi sa pagka banhaw ni Hesu Kristo."

Mao nga, kon atong himoong pan ang Pulong sa Diyos og magpakabuhi niini, nga maoy mo lempyo sa atong mga sala, inamay kita nga mahimong balaan og matarong, og kini ang magsilbing ilhanan sa atong kaluwasan.

3. Espirtuwal nga Pasabot sa "Matawo Pag-usab sa Espiritu Santo"

Ang Espiritu Santo motabang sa mga luwas nga anak sa Diyos aron makadawat sa insaktong kaluwasan. Si Hesus niingon nato sa Juan 15:26, "Moanhi ang Magtatabang nga mao ang Espiritu nga nagpadayag sa kamatuoran nga gikan sa Amahan. Ipadala ko siya gikan sa Amahan og magsaksi siya mahitungod kanako," human sa pagkabanhaw og pagkayab sa Atong Ginoo, gihatagan sa Diyos ang iyang luwas nga mga anak sa Iyang Espiritu Santo (Buhat 2:38) og ang Espiritu Santo motabang nila aron sila makaangkon og pagtoo nga diin sila motoo og pinaagi sa pagtoo ang kinabuhi mabag-o og ang espirtu nga namatay mabuhing pag balik.

Ang 1 Juan 5:5-8 nagpahinumdum nato, "Mao ray maka buntog sa kalibutan ang nagtoo nga si Hesus mao ang Anak sa Diyos. Ang mianhi mao si Hesu Kristo og nailhan ang iyang pag-anhi pinaagi sa tubig og sa dugo. Ang

Espiritu mao ang saksi nga matuod kini kay ang Espiritu kamatuoran man. Adunay tulo ka saksi; ang Espiritu, ang tubig og ang dugo og nagkauyon kining tulo."

Sa pag-ingon, "ang iyang pag-anhi pinaagi sa tubig og sa dugo" kini nagpasabot sa pagpatulo sa dugo og pagpakamatay ni Hesus, ang Pulong nga nahimong tawo. Sa pagkamatay ni Hesus didto sa krus, pinaagi sa Iyang dugo kita makadawat sa kaluwasan. Mao nga, "ang iyang pag-anhi pinaagi sa tubig og dugo" kana si Hesu Kristo og ang Espiritu Santo gipadala ngari nato human sa Iyang pagkayab aron motabang nato sa pagtoo ining puntoha.

Ang Bibliya nag-ingon nato nga kon si kinsa katong motoo nga si Hesus Anak sa Diyos "makabuntog sa kalibutan" og kini nagpasabot nga aron kita dili ma bulit sa mga bakak pinaagi sa pag panglimbasog sa kaibog aning kalibutana. Ang Espiritu Santo dili lang mo tabang nato nga aron kita motoo sa Ginoo, apan Iya usab kitang tagaan og kusog aron makabuntog sa mga pamaagi ining kalibutana nga napuno sa sala og mga bakak.

Kon atong mahunahuna ang kinaiyahan nga pagka makasasala, kon ato nang masabot ang importansya sa pagtuman sa matarong, og ang pagtoo nga naay pag Husga nga umaabot, kita mo pugos unya sa pag pakabuhi pinasubay sa tinguha sa Espiritu Santo. Pinaagi sa pagpalayas sa mga sala og daotan nga naa sa atong dughan matag adlaw, atong ma bag-o ang atong dughan og ato kining mapuno sa matuod.

Kini ang proseso sa pagpakatawo sa espirtuwal pinaagi sa Espiritu Santo, og kato lang mo pakatawo sa espirtuwal pinaagi sa pagpakatawo pag-usab sa tubig og sa Espiritu Santo ang makasulod sa langit.

Mga kaigsoonan ko diha ni Kristo, Ang Efeso 2:8 nag-ingon, "Kay pinaagi sa pagtoo naluwas kamo tungod sa grasya sa Diyos. Dili kini inyong buhat kon dili gasa sa Diyos." Kay ang tawo mahimong magpakatawo pag-usab pinaagi sa tubig og Espiritu Santo tungod sa gugma og gasa sa Diyos nga Iyang gihatag nato nga wala mangayo og balos niini.

Magpasalamat unta kita sa Diyos sa iyang pagbutang nato ngadto sa dalan sa kaluwasan og magdala unta og mga kalag aron mahibalik ngadto sa Iyang mga bukton. Maayo unta nga kamo maka sulod sa Bag-o nga Herusalem, ang pinaka nindot nga puloy-anan sa langit, sa ngalan sa Atong Ginoong Hesu Kristo ako nag-ampo!

Ang Pag-angkon sa Pagtuo

1. "Manmin Central Church" nagatuo nga ang Bibliya mao ang gininhawang pulong sa Diyos, perpekto og walay siyat.
2. "Manmin Central Church" nagatuo sa panaghiusa' ng lihoc sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. "Manmin Central Church" nagatuo nga kita mapasaylo sa atong mga kasal-anan pinaagi lamang sa dugo ni Hesu Kristo.
4. "Manmin Central Church" nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.

5. Mga Miyembro sa "Manmin Central Church" ni angkon sa ilang pagtuo diha sa "The Apostles' Creed", sila nagatuo sa unod sa mga pulong nahisulat niini.

"Ang Diyos mismo ang naghatag sa kinabuhi og ginhawa sa tawo og sa tanang butang" (Buhat 17:25).

"Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato" (Buhat 4:12).

Manmin nga mga **Balita**

Published by Manmin Central Church

Bisayan

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048
http://www.manmin.org/english
E-mail: manminministry@hotmail.com
Publisher: Dr. Jaerock Lee
Managing Editor: Geumsun Vin

Unsay klase sa Heart-field nga naa ka?

Si Hesus nisulti og samingay mahitungod sa umahan para sa pagpasabot sa heart-field sa tawo.

Si Hesus naghisgot og 4 ka klase sa yuta: daplin sa agianan, yuta nga baton, dapit nga tunokon og maayong yuta. Depende kon unsang klasi sa kinabuhi ang ilang nadawatan sa ginikanan, ang ilang heart-field ingon ana usab ang pagka porma, dili managpareho. Og depende usab sa lugar nga ilang nadakan og sa mga tudlo nga ilang nadawat, ang ilang heart-field mahimo nga mausab. Ang kalahian sa dughan maoy mohatag og panaglahi sa kinabuhi sa tawo. Ang gikusgon sa pag adto sa espiritu manag lahi gyud tungod sa klase sa heart-field sa tawo. Apan ang importante nga ang gahum sa Diyos makahimo sa pag usab sa bisan unsang klase sa dughan sa tawo ngadto sa maayong yuta. Og ang kahago sa pag-alima dili ma kumpara sa kalipay sa pagpamupo. Manghinaut mi nga sa imong pag tan-aw sa klase sa imong heart-field og sa pag-alima niini ikaw maka bunga og daghan diha sa kahayag.

Daplin sa Agianan

“Sa pagsabod niya sa binhi, dunay nahulog sa agianan og miabot ang mga langgam og gipanuka kini”
(Mateo 13:4).

Kon ang mag-uuma magtanom og liso, ang uban nga liso mahulog sa daplin sa agianan. Kon ang liso nahulog sa agianan, dili kini maka-gamot. Tungod kay wala man gitinum dili moturok. Usahay, moabot ang langgam og tukaon kini.

Ang agianan nag simbolo sa gahi nga dughan. kini ang dughan nga dili makasabot sa Pulong sa Diyos o dili motoo kon maka dungog niini. Ang tawo nga sama sa agianan mo duol lang

sa simbahan og mo pauli nga wala maka eksperyensya sa Espiritu Santo. Ang katong naay dughan nga sama sa daplin sa agianan mo sulay sa pagpaningkamot, apan ang kasagaran dili mosulay.

Para sa pag-alima sa yuta nga daplin sa agianan, atong wagtangon ang pagka arogante, garbo, pagka gahi, bakak, ang self-righteousness og ang paghimohimo sa imong kaugalingon hunahuna. Gipagahi ang dughan tungod sa bakak og daotan, mao nga padayonon gyud

ang pagbuak ini aron sa pag-atiman sa maong yuta.

Pananglitan, kon ang mensahe nga giwali dili mo takdo sa imong hunahuna, imo sad tan-awon kon ang imong ideya saktong ba. Og maghimo sad ka og daghan nga maayong binuhatan aron hatagan ka sa Diyos og grasya. Sa dughan nga sama sa agianan, importante nga ang iyang miyembro sa pamilya og ang mga leder sa simbahan mag-ampo para niya og mo giya kaniya.

Yuta nga Batoon

“Ang uban nahulog sa yuta nga batoon og nanurok dayon kay diyutay ra man og dili lawum ang yuta ini. Apan sa pagsubang sa adlaw, nalawos ang bag-ong nanurok og kay wala man maka gamot pag-ayo nangalaya ra dayon”
(Mateo 13:5-6).

Ang batoon nga lugar gamay ra kaayo og yuta diha sa bato. Og ang yuta dili lawum kay bato man. Kon ang liso mahulog ining klaseha sa lugar, motubo, apan dali ra kaayo kining malaya sa kainit sa adlaw tungod kay ang yuta mabaw.

Ang liso sa Pulong dili maka gamot tungod sa mga “bato” nga naa sa dughan. Kon naay mga pagsulay, pagbiay-biay o tentasyon katong naay dughan nga batoon ma pukan lang dayon. Ang “bato” mao ang unodnon nga naa sa dughan nga naghigugma ining kalibutana. Sa

lapad nga panabot, ang bakak maoy nagpugong sa tawo aron dili motoo og mo higugma sa Diyos. Apan dili tanang batoon nga lugar manag pareho. Ang mga bakak nga naa sa dughan sa tawo manag lahi.

Dinhi, ang “dili pag gamot” nagpasabot nga wala silay tinuod nga espiritwal nga pagtoo. Tinuod maninaw sila sa Pulong og nakasabot, apan wala nila kini hunahuna nga kinasingkasing o motoo niini gikan sa ilang dughan. kining pagtooha gitawag og ‘unodnon

pagtoo’ o ‘pagtoo nga kahibalo lamang’.

Para sa pag-alima ining yuta nga batoon, mag matinguhaon tang mo buhat sa Pulong og mag-ampo. Atong batonan ang kinatibuk-an sa Espiritu Santo. Ato gyung padayonon ang pag alima dili ta mo hunong sa tunga. Motuman gyud ta sa mensahe nga atong na dungog og sa mga tingog nga gipa dungog nato sa Espiritu Santo. Kon kita motoo nga atong ma alimahan ang atong dughan pinaagi sa gahum sa Diyos, kini matuman sigon sa atong pagtoo.

Tunokong sagbot

“Ang ubang binhi didto nahulog sa mga tunokong sagbot. Nanubo ang mga tunokong sagbot og gilupig ang mga bag-ong tanom”
(Mateo 13:7).

Dinhi, ang mga “tunok” daghang mga sanga sa mga tunokong tanom nga nanag pundok. Ang liso nga nahulog ining dapit dili maka pamunga tungod kay igo lang sila nga mabuhay apan dili makatubo tungod kay lupigon o maalihan man sa mga tunok.

Ang mga “tunok” sa ilang dughan espiritwal nga nagpasabot sa mga kabalaka sa kalibutan. Mao nga sila hangol sa kadato, dungog og awtoridad. Katong naa

aning klaseha sa dughan, mo ingon nga nagpakabuhi sila sa Pulong, apan nagpuyo lang gihapon sila sa mga pagsulay.

Kinahanglan atong ibton ang gamot sa pagkadaotan diha sa atong dughan. Kining mga “tunoka” gikan sa tawhanong hunahuna, og ang ilang gamot nagsimbolo sa daotan diha sa dughan. Bisan pa og moingon ta sa atong hunahuna nga dili ta magbatoon sa tawhanong hunahuna dili nato kini mahimo kon ang

daotan naa pa diha sa dughan. Sa daghang mga gamot, kon atong ibton ang gamot sa kahangol og pagka arogante, atong mapapahawa ang unodnon diha sa atong dughan.

Kon permi kang mamalandong sa Pulong sa Diyos, perming mag-ampo, og modawat sa tabang sa Espiritu, sayon ra para nimo ang pag ibot sa maong mga gamot. Sa paghimo, labaw sa tanan, imong hunahunaon kon usaon ka pagpasakit ining mga tunoka.

Maayong Yuta

“Og ang ubang liso nahulog sa maayong yuta og namunga, ang uban namunga og balig 100 ka pilo, ang uban 60 ka pilo og naa say 30 ka pilo”
(Mateo 13:8).

Ang maayong yuta humok og dili gahi. Kon ang liso itinum sa maayong yuta, ang humok nga yuta mo gakus sa liso aron matanom og tarong. Og ang yuta ini naay hangin og tubig, mao nga ang liso mo sibol og maayo ang pagtubo. Sa samang paagi, ang dughan nga naay maayong yuta tarong nga modawat sa tanang Pulong sa Diyos.

Ang maayong yuta walay mga bato, mao

nga ang Pulong dali nga mo gamot. Katong dughan nga naay maayong yuta mo tuman sa Pulong sa Diyos bisan sa mga pagsulay og persekusyon. Ilang mabati ang dughan sa Diyos nga nagtinguha aron sila makapuyo sa Bag-o nga Jerusalem, ang pinaka nindot nga puloy-anan sa Langit, mao nga ilang buhaton ang Iyang Pulong nga naay kalipay og maka pamungag daghang mga grasya sa

ilang kinabuhi – Lucas 8:15.

Para ma imo ang maayong dughan, kinahanglan nga malungtaron ka. Sa imong pagsimba diha sa espiritu og matuod, sa pag-ampo nga mangiiniton, og matinguhaong magsunod sa Pulong, imong dali nga maangkon ang maayong dughan og maka pasidungog sa Diyos uban ang mga panalangin sa espiritu og lawas.

“Gibuhi ko sa Diyos nga wala na unta koy Paglaum sa Kaayuhan”

Deaconesa Hyemin Chae
(New York International Manmin Church, U.S.)

Akong na saksihan ang mga paghinulsol, kaayuhan og mga milagro; ang mabutihong lihok sa gahum nga nahitabo sa pundok. Napuno sad ko sa Espiritu og murag nitubo ang akong pagtoo. Apan pagkahuman, wala nako mag-ampo. Mao nga, sa paglabay sa panahon nahimo kong kristohanon nga naghimo lang gihapon sa kalibutanhong mga butang.

Tungod sa pabalik-balik nga mga operasyon og sa sobrang pagdugo, imposible na kaayo nga mabuhi pa ko.

Sayo sa 2012, akong gisabak ang akong ika-2 anak 12 na katuig ang nilabay human sa pagpanganak nako sa akong una nga bata. Tungod sa “polyp” sa akong matris permi kong magdugo hangtod sa ika-4 ka buwan sa pag mabdos. Permi kong idali ngadto sa emergency-room.

Akong nadawat ang mga pag-ampo ni Dr. Jaerock Lee para sa akong tiyan, pinaagi sa internet uban ang panyo sa gahum nga inampoan ni Dr. Lee (Buhat 19:11-12). Og human ato wala nako magdugo og wala nay problema hangtod sa 10 ka bulan.

Mga 11:00 sa buntag niadtong Nobyembre 6, 2012, gi-cesarean ko kay cesarean man sad ang akong unang anak. Apan ining panahona

nadugay og sobra sa 2-ka oras.

Nahitabo ni tungod sa “lochia”, ang vaginal-discharge. Wala ni mo gawas niadtong una nakong pag panganak. Ang mga nang gawas namilit sa akong matris og pantog nga nanag nana. Dugang pa ang placenta, matris og pantog nag pilit, nga maoy hinungdan sa placenta nga wala mo gawas.

Ining tanan, ang akong mga doktor nipagawas sa akong placenta bisan nagkalisod sila pag himo ini. Apan ang uterine-contraction nagka hinay nga nag-antos ko sa sobrang pagdugo. Gi abunuhan ko og 9 ka unit nga dugo og ilang gisulayan ang “intrauterine-percutaneous balloon compression” aron mo hunong ang pagdugo, apan walay pulus.

Pag 9:00 sa gabii, gihimo ang ‘hepatic artery ligation’ para mo hunong ang pagdugo apan wala gihapoy pulus. Sa katapusan sa mga 10:00 sa gabii, akong nadawat ang total-hysterectomy.

Gihinay og kuha sa mga doktor ang akong matris nga nagtapot sa pantog og giayo ang mga daotang parti sa pantog, apan kining tanan wala gihapoy kapuslanan og ang akong tiyan ni hubag pag ayo tungod kay ang pagdugo nagpadayon. Gi dali nasad ko nila og “laparotomy”. Ang surgical-incision gihimo sa “abdominal-wall”. Giablihan sa mga doktor ang akong tiyan og gikuha ang mga dugo og giayo ang pipila ka mga lungag nga nakita likod sa akong pantog. Apan sa gihapon, ang pagdugo nagpadayon.

Naayo ko pinaagi sa space-and-time-transcending prayer ni Dr. Jaerock Lee

Si Pastor James Shim sa New York International Manmin Church og ang

iyang asawa nag ampo og nag puasa para nako, og ang ako sang pamilya didto sa Korea nag ampo, nag puasa og naghinulsol para sa akong pamilya og nako nga wala magtinarong sa among kristohanong kinabuhi.

Pinaagi sa grasya sa Diyos, ang pagka dinalian sa akong kaso naabot ngadto ni Dr. Jaerock Lee nga didto sa iyang prayer-house sa bukid. Naka dungog ko nga siya matinguhaong nag-ampo sa Diyos para sa akong kaayuhan. Og ila kong gisultian nga ang akong pagdugo nihunong dayon sa pag sugod niya og ampo. Kato mao ang gahum nga diin ang patay’ng lawas ni Lazarus, sulod sa upat ka adlaw, nabuhi pinaagi ni Hesus. Hallelujah!

Naayo dayon ko, gikan sa ‘intensive-care unit’ sulod lang sa 2 kaadlaw gibalhin nako sa ward. Ang mga doktor nagpakita sa ilang pagkahibulong, niingon nga milagro kaayo ang nahitabo nako nga mabuhi pa og dali ra gani kono kaayong naka-recover. Niingon sila nga kato tungod sa Diyos og ang akong hitabo perming gi estoryahan sa mga tawo sa hospital.

Maayo na kaayo ang akong pamati sugod sa akong pag gawas niadtong Nobyembre 27, 2012. Human ini, naghinulsol ko nga wala ko magbaton og tinuod nga pagtoo bisan niingon ko nga nitoo ko sa Diyos og wala ko mo salig sa gahum sa Diyos nga nakita diha ni Dr. Lee bisan ako mismo naka saksi niini sa daghang higayon.

Ako sad na hunahuna nga ang kinabuhi aning kalibutana nga walay kalabutan sa Diyos kawang sa tanang ka kawang. Karon gitagaan ko og pagtoo og paglaum para sa Bag-o nga Jerusalem, nga wala nako kaniadto.

Akong pasalamatan og himayaon ang Diyos nga nibuhi nako nga padulong na unta sa kamatayon.



Si Deaconesa Hyemin Chae og ang iyang mga anak, Sonia og Hanie

Tuig 2005, ang akong pamilya ni balhin ngadto sa New York City, USA. Nitambong mi sa New York Crusade ni Dr. Jaerock Lee didto sa Madison Square Garden niadtong Hulyo 2006.

“Ang pagkabalaan sa ebanghelyo maoy turning-point sa akong kinabuhi”



Igsoon Donny Yii Sing Chin (ika-2 gikan sa wala) og ang iyang pamilya (Sibu, East Malaysia)

Nobyembre 2010, gihatagan ko og kopya sa *Manmin nga mga Balita* ni Mr. David Lu. Ang mga panghimatuud sa gahum sa Diyos naka pahibulong kaayo nako. Apan labaw’ng naka dani og naka tandog nako ang mga sermon ni Dr. Jaerock Lee. Lisod kaayo para nako ang pagsabot kon magbasa ko sa Bibliya og ma pakyas lang hinuon. Apan ang mga sermon nga naa sa *Manmin nga mga Balita* sayon kaayong sabton.

Tungod ini, ang Pulong sa Diyos nisulod sa akong dughan og ang akong kinabuhi nagsugod og kausab. Ang akong asawa og ako perming mag away tungod sa among opinyon nga dili magkauyon, apan karon naa nay kalinaw ang among pamilya.

Og pinaagi sa pagpaila ni Mr. David Lu akong nakaila si Deborah Tang, presidente sa Manmin Publisher sa Malaysia. Sa pag kaila niya, ang kabubut-on sa Diyos ni subang kanako. Akong gi hunulsolan ang akong pagsimba sa mga

rebutlo. Ako kining gipang labay apil na ang naay dragon og porma. Pagka human akong nabati ang kagawasan sama nga kami naka lingkawas sa dakong kahisol. Ang tinuod nga kalipay niabot sa akong pamilya.

Unsa ako ka mapasalamatan sa mga programa sa GCN TV og sa mga libro ni Dr. Lee sama sa *Tasting Eternal Life before Death og Hell*, kini maoy dakong naka tabang sa akong espirituwal nga pagtubo. Abril 11, 2011, nagpa rehistro ko sa Manmin Church pinaagi sa internet og ni bisita ko sa Korea, niapil ko sa Manmin Summer Retreat niadtong summer sa 2012.

Gusto kong mag-organize og Manmin – Mission sa Malaysia aron maipakatag ang pagka balaan sa ebanghelyo. Gusto kong mahimong trabahante nga dasig mag sabwag sa pagka balaan sa ebanghelyo uban sa mga libro ni Dr. Lee og sa *Manmin nga mga Balita*.

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Philippines Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Philippines Pastor Peter Bae Pastor Crystal Lee 0910-262-5465	Purok 3, Brgy, San Roque, San Mateo, Isabela, Philippines Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen. Trias, Cavite, Philippines Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Philippines Pastor Jubeom Kim 0927-311-7633	LOT N. 402 - B-4 Looc Along Side The Canjularo Road, Lapu-Lapu City Cebu, Philippines Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Philippines Pastor Kathryn Kim 0908-635-2714